

Kanton Sarajevo
Skupština Kantona Sarajevo
Admela Hodžić, zastupnica SDA

Sarajevo, 19.10.2019. godina

Kanton Sarajevo
Ministarstvo kulture i sporta Kantona Sarajevo

ZASTUPNIČKA INICIJATIVA

U skladu sa članom 213. Poslovnika Skupštine Kantona Sarajevo („Službene novine Kantona Sarajevo“ Drugi novi prečišćeni tekst, broj: 41/12,15/13, 47/13, 47/15 i 48/16), podnosim inicijativu Ministarstvu kulture i sporta Kantona Sarajevo za rekonstrukciju i sanaciju krova na Društvenom domu Tarčin u Tarčinu za što je potrebno 80.000,00 KM

OBRAZLOŽENJE

Društveni dom u Tarčinu je izgrađen davnih 70-ih godina i od tada do danas je u nekoliko navrata renoviran, ali nikada nije izvršena zamjena krova koji je odavno u jako lošem stanju. Djeca koja koriste prostorije doma su članovi KUD-a Ivan planina, kao i djeca iz drugih gradova koja dolaze u posjetu prilikom raznih kulturnih manifestacija. KUD Ivan planina broji preko 150 članova a njihovi rezultati su među najboljim u Kantonu Sarajevo. Oni su najbolji ambasadori naše zemlje i najbolji čuvari naše kulture i tradicije. Na žalost njihove probe se često puta otkazuju zbog toga što krov prokišnjava na više mjesta. Olujno nevrijeme koje je zahvatilo područje Tarčina u julu mjesecu kao i posljednje nevrijeme ovog mjeseca, jak vjetar i kiša, su u potpunosti uništili krovnu konstrukciju koja je već odavno dotrajala.

Djeci se posljednjih dana ne zakazuju probe zbog opasnosti od urušavanja krovne konstrukcije u djelu gdje se održavaju probe KUD-a. Također su do daljnjeg otkazane sve kulturne manifestacije koje su bile planirane do kraja ove godine.

Molim nadležne da poduzmu sve kako bi se ova inicijativa realizovala u što skorije vrijeme jer se uprava KUD-a svim snagama trudi skloniti djecu s ulice programom koji se u Tarčinu promovira i uspješno realizira već dugi niz godina a njihovi nastupi su veoma zapaženi u našoj zemlji i također u drugim zemljama. Tradicionalna smotra folklor se održava svake godine kada se u Tarčinu predstave gosti iz Turske, Makedonije, Hrvatske, Slovenije, Srbije i drugih zemalja.

Admela Hodžić
